

Evening Gojri

News Bulletin

10 September 2024

1700 Hrs

ایوٹننگ گو جری نیو ز بلیٹن مو رخہ 10 ستمبر 2024

یوہ آکا شوانی جموں بے نصرت چودھری تے محمد مبارک ماہر تیں خبر سُنو۔ پہلاں
خاص خاص خبر۔

1★ سرحدی حفاظتی دستا بی ایس ایف جموں فرنٹیئر گا انسپکٹر جنرل ڈی کے بُورا
نے کہیو ہے کہ جموں کشمیر مانہ سرحد مکمل طور و محفوظ ہیں تے دہشت گرداں
نانہ اسمبلی انتخابات مانہ خلل پان غی اجازت نہیں دتی جائے گی۔

2★ بھارت نے اقوام متحدہ غی سلامتی کونسل مانہ مستقل رکنیت واسطے مزید
نمائندہ بنان بارے مطالبو کیو ہے۔

3★ اندرونی معاملن گا وزیر امت شاہ نے اج سائبر سکیورٹی نانہ قومی سلامتی
غو اک حصو قرار دیتاں واں کہیو ہے کہ مرکز نے سائبر جرائم سنگ نمڑن خاطر اگلا 5
بہراں مانہ 5 ہزار سائبر کمانڈو ز نانہ تربیت دین بارے منصوبو بنایو ہے۔

4★ تے ٹول پلازاں مانہ عالمی نیو یگشن سیٹ لا ٹ نظام ور مبنی محصول جمع
کرن خاطر مخصوص قطار ویں گی۔

خبران غی تفصیل نال پہلاں محمد مبارک ماہر۔

BSF Election Border

بی ایس ایف گا اعلیٰ افسر ڈی کے بُورا نے اج کہیو ہے کہ دہشت گرداں نانہ بھارت
مانہ داخل ہون تے جموں کشمیر مانہ آن آلا اسمبلی انتخابات مانہ خلل پان تیں
روکن واسطے سرحداں ور اقدامات کیا گیا ہیں۔ یاہ گل اُن نے ضلع ڈوڈہ گا بہدرواہ
مانہ نامہ نگاراں سنگ گل کرتاں واں کہی۔ واضح رہے جسے ضلع ڈوڈہ غو بہدرواہ
اسمبلی حلقو 18 ستمبر نانہ ہون آلا پہلا مرحلہ گا انتخابات مانہ اُن 7 ضلعان گا 24

اسمبلی حلقاں وچوں اک ہے۔ اُنہاں نے کہیو۔۔ بائٹ۔۔ سرحداں غا با را مانہ گل کرتاں اُنہاں نے کہیو کہ سرحد مکمل طور و ر محفوظ ہیں۔ پولیس نے دوجی ایجنسیاں غے نال رلغے کم کرتاں واں دراندازی نانہ روکن واسطے تمام ضروری اقدامات کر لیا ہیں۔ اُنہاں نے کہیو۔۔ بائٹ۔۔

UNSC India

بھارت نے اقوام متحدہ غی مستقل رکنیت مانہ مزید نمائندہ بنان و ر زور کہلیو ہے۔ بھارت نے اس سلسلہ مانہ افریقہ غی شرکت گو حوالو دیتاں و اں کہیو جے سلامتی کونسل مانہ بون آلی سیا سی رنجش امن کاروائیاں نانہ متاثر کر رہی ہے۔ بھارت غا نواں مقرر کردہ مستقل نمائندہ پارو تھنی بریش نے گذشتہ روز سلامتی کونسل مانہ پہلا خطاب مانہ کہیو کہ سلامتی کونسل مانہ سیا سی اتحاد غی کمی ہے۔ جھپڑی اکثر حالیہ بہراں مانہ دیکھن مانہ آئی ہے۔ جس نے اقوام متحدہ غا امن غی بحالی غا مقصد نانہ منفی طور و ر متاثر کیو ہے۔ اُن نے کہیو کہ سلامتی کونسل نانہ مستقل زمرہ مانہ خاص طور و ر اس ویلے مزید ممبراں غی لوڑ ہے۔ امن بحال کرن با رے اقدامات نانہ مضبوط بنان غا سلسلہ و ر گل کرتاں واں اُن نے کہیو جے بھارت امن غی بحالی گا سلسلہ مانہ تعاون کرن آلو سب تیں بڑو مُلک ہے۔ جس نے پچھلی 7 دہائیاں تیں متا عرصہ مانہ 50 تیں متا مشناں مانہ ڈھائی لکھ تیں زیا دہ فوجی دستاں نانہ تعینات کیو ہے۔

PM Anusandhan

وزیر اعظم نریندر مو دی نوی دہلی مانہ نو تشکیل شدہ انو سندھان قومی تحقیقی فاؤنڈیشن اے این آر ایف غا پہلا انتظامیہ بورڈ اجلاس غی صدارت کر رہیا ہیں۔ مذکو رہ اجلاس مانہ وزیر تعلیم دھرمیندر پردھان تیں علا وہ اعلیٰ افسروں موجود ہیں۔ واضح رہے جے اے این آر ایف قومی تعلیمی پالیسی 2020 غی سفارش و ر قائم کیو گیو تھو۔ اس غو مقصد مُلک غی یو نیو رسٹیاں، کالجاں، تحقیقی اداراں تے تحقیق اور ترقیاتی لیبارٹریاں مانہ تحقیق تے اختراع غا نظام نانہ بابدو دینو ہے۔ انو

سندھان قومی تحقیقی فاؤنڈیشن مُلک مانہ سائینسی تحقیق غی اعلیٰ سطحی حکمت عملی فراہم کرن گا سلسلہ مانہ اک اعلیٰ ادارہ غا طور ور کم کرے۔

EAM Germany

بھارت غا وزیر خارجہ ڈاکٹر ایس جے شنکر اچ تیں اپنو جرمنی غو 2 روزہ دورو شروع کریں گا۔ دورہ غے دوران وے برلین مانہ جرمنی غا وزیر خارجہ تے دیگر اہم رہنماواں نال ملاقات کریں گا۔ تانجے دوباں مُلکاں غا تعلقات نانہ مضبوط بنان تے مل غے کم کرن گا مزید مواقع تلاش کرن ور تبادلہ خیال کیو جا سکے۔ اس دورہ تیں جرمن چانسلر اُلف سکولز غا اگلا مہینہ مانہ بھارت غا منصوبہ بند دورہ غی تیاری مانہ وی مدد ملے گی۔ جرمنی بھارت گا اہم تجا رتی شراکت داراں وچوں اک ہے۔ تے بہراہ راست غیر مُلکی سرمایہ کاری غو اک بڑو ذریعو ہے۔ کل ڈاکٹر ایس جے شنکر نے رباد مانہ تذویری گل بات واسطے بھارت گل ف کا پو ریشن کو نسل غی پہلی مشترکہ وزارتی میٹنگ غی صدارت کی۔ ڈاکٹر ایس جے شنکر نے فلسطین غا مسئلہ ور بھارت غی مسلسل حمایت ور زور دتو تے غذا مانہ جنگ بندی ور زور دتو۔ اُنہاں نے مزید کہیو کہ بھارت دہشت گردی غی سخت مزمت کرے۔ نالے معصوم جاناں غا ضائع ہون ور وی شدید دکھ ہے۔

Shah CFMC

اندرونی معاملن غا وزیر امت شاہ نے سائبر کرائم غے خلاف تحفظ واسطے کلیدی اقدامات غو آغاز کیو اور نال ہی سائبر فراڈ نانہ کہٹ کرن آلا مرکز سی ایف ایم سی نانہ اچ نوی دہلی مانہ قوم غے ناں وقف کر دتو ہے۔ اِن مانہ ویب ور مبنی ماڈیول سمانوایا، سائبر جرائم، ڈیٹا غو ذخیرو، شراکتداری، نقشہ سازی تے تجربات غا اک پلیٹ فارم غے نال نال قانون نافذ کرن آلا اداراں واسطے رابطہ کاری غو اک آلو وی شامل ہے۔ اُنہاں نے سائبر سکیورٹی نانہ بدھان غا سلسلہ مانہ ریاستاں تے مرکزی پولیس تنظیمان مانہ تربیت یا فتنہ ماہرین غو وینگ قائم کرن آلا اک سائبر کمانڈو

پروگرام غو افتتاح وی کیو۔ واضع رہ جے مذکو رہ وزیر بھارت سائبر جرائم ربط مرکز
غا پہلا یوم تاسیس غی تقریب سنگ وی خطاب کریں گا۔

Green Steel Report

اسٹیل تے پہاری صنعتاں گا وزیر ایچ ڈی کمار سوامی نے کہیو ہے جے پائیداری ہن
کوئی انتخاب نہیں بلکہ کراہ ارض غی بھلائی واسطے اک ضروری ذمہ داری ہے۔ یاہ
گل اُن نے گرین اسٹیل غی رپورٹ ور جا ری بیان غی تقریب سنگ خطاب کرتاں واں
کہی۔ اُن نے کہیو جے اسٹیل شعبہ ور ماحولیاتی اثرات غو خاصو بڑو اثر پے تے اس
مانہہ پائیداری خاطر ضروری تبدیلیاں لیانی ویں گی۔ وزیر موصوف نے اسٹیل گا
استحکام خاطر اک رستہ با رے رپورٹ وی جا ری کی۔ جس مانہہ اسٹیل صنعت غا
ازالہ کاربن ور گل بات کی گئی ہے۔ اُن نے کہیو کہ یاہ رپورٹ صنعت غا پیشہ ور
لوکاں، ماہرین تے پالیسی سازاں نانہہ گرین اسٹیل تے صنعت با رے پائیداری غا
طریقاں غا با رے سیکھن مانہہ مدد گا رثابت وے گی۔

یہ خبر تم آکاشوانی جموں تیں سُن رہیا ہیں خبراں غا باقی حصہ نال نصرت
چودھری۔

Toll Plaza GNSS

سڑک ٹرانسپورٹ تے شاہراں غی وزارت نے قومی شاہراں ور ٹول فیس غا بارا مانہہ
قوانین مانہہ تبدیلی کی ہے۔ وزارت نے اعلان کیو ہے کہ گلوبل نیوگیشن سیٹ لائٹ
سسٹم سنگ لیس گڈیاں واسطے اک خصوصی رستو وے گو۔ اگر جے اس تیں بغیر
کائے گڈی اس رستہ غو استعمال کرے گی تاں ڈرائیو ر نانہہ باقاعدہ ٹول فیس دگنی
ادا کرنی پے گی۔ قومی پرمت تیں بغیر گڈیاں جی این ایس ایس غے تحت اک دن
مانہہ قومی شاہراہ، پُل یاہ سُرنگ ور 20 کلو میٹر تک گو سفر مفت کر سکے۔ اگر تے
20 کلو میٹر تیں متو سفر کریں گا تاں صرف اضافی فاصلہ واسطے چارج کیو جائے
گو۔

Doda SVEEP

ووٹر بیداری نانہہ بدھان تے براک ووٹ غی اہمیت ور زور دین غا سلسلہ مانہہ جا ری سوپ مہم غے تحت بن ڈوڈہ با ئی اسکول مانہہ اک شاندار تقریب غو انعقاد کیو گیو۔ اس تقریب غی سربراہی سوپ گا عہدیداراں تے ضامن ثقافتی ٹیم نے کی۔ جس غو مقصد لوکاں نانہہ ان غا ووٹاں غا حقوق تے جمہوری عمل مانہہ حصول غی اہمیت با رے دسنو تھو۔ اس موقعہ ور بولتاں واں ضلع غی متعلقہ ثقافتی سیل غی ضامن افسر انورادھا نے اس طرح کہیو۔۔۔ با ٹ۔۔

Kishtwar Election

اس گل نانہہ یقینی بنان غی کو شش مانہہ کہ بر کو ئی آن آلا انتخابات مانہہ حصول لے سکے ضلع کشتواڑ غا ووٹر جھیڑا انتخابی فرائض ور کم کر ریا ہیں انہاں نے اج پوسٹل بیلٹ غو استعمال کرتاں واں اپنو ووٹ کہلیو۔ بھارتیہ چناؤ کمیشن غا رہنما سطور غی بنیاد ور ضلع کمشنر غا دفتر مانہہ خصوصی مراکز قائم کیا گیا ہیں ووٹینگ 10 تے 11 ستمبر 2024 نانہہ جا ری رہ گی۔ 4500 تیں متا ووٹر پیشگی ووٹ کہلیں گا کیونجے 18 ستمبر نانہہ الیکشن غے دوران اُن غی ڈیوٹی۔ پاڈر ناگسینی حلقہ غا ریٹرننگ افسر ڈاکٹر انیل بھگت نے آکاشوانی نیوز نال اس با رہ مانہہ گل کی۔۔ با ٹ۔۔

Reasi Home Voting

ریا سی مانہہ 85 سال یاہ اس تیں متی عمر غا ووٹراں تے معزور افراد واسطے 17 ستمبر 2024 نانہہ گھر تیں ووٹینگ غی سہولت متعارف کرائی جا ئے گی۔ ریا سی مانہہ جنرل اسمبلی 2024 انتخابات غا دوجا مرحلہ غا حصہ غا طور ور 25 ستمبر نانہہ انتخابات کرایا جا ئیں گا۔ بھارتیہ چناؤ کمیشن غی طرفوں شروع کی گئی گھر گھر ووٹینگ غی پہل غے تحت پولینگ حکام نانہہ تمام ضروری مواد نال اہل ووٹراں غے کہر جان غی اجازت دے گی تانجے وے اپنا ووٹ کہر تیں کہل سکیں۔ اس با رے ضلع چناؤ افسر ریا سی وشیش مہاجن نے اس طرح کہیو۔۔۔ باٹ۔۔

SVEEP Poonch

سویپ ٹیم نے ہائی اسکول اجوٹ گا طلباء غے نال اج اجوٹ گراں مانہہ اک ووٹر
بیداری ریلی گو انعقاد کیو۔ سویپ ٹیم نے بعد مانہہ ہائی اسکول اجوٹ مانہہ اک
بیداری پروگرام غو انعقاد کیو جس مانہہ بزرگ شہریاں، بوتھ سطح بیداری گروپ
ٹیم گا ممبراں تے چناؤ خواندگی کلب ای ایل سی غا ممبراں نے شرکت کی۔ سویپ
ٹیم پونچھ نے بیداری مہم غی قیادت کی۔ جس نے ووٹراں غا تمام طبقاں نانہہ
ووٹ کہلن غی اہمیت اور انتخابی عمل غا ہا را مانہہ جانکا ری دتی۔ سویپ ٹیم غی
اک رکن سمائلی شرما نے آکاشوانی غا خبراں آلا شعبہ سنگ گل کرتاں واں اس طرح
کہیو۔۔ بائٹ۔۔

اس غے نال ہی خبراں غو یوہ بلیٹن ختم ہوؤ۔